ليس أول شيء اكتبه ، لكن مرتى الأولى أن أقدم ما كتبته لأحد ، واتمنى أن أحظى بالإعجاب .

لست سوى فتاة في عمر الخامسة عشر ، قررت محاربة فقدان الشغف و السعي نحو حلمي و هو أن أصبح كاتبة توصل ما يخطه قلمها إلى قلوب القراء .



~ إهداء ~

إهداء إلى نفسي و ليس إلي احد . إلي نفسي التي حاربت كل شيء بمفردها و قاومت كل شيء سلبي يُحيط بها إلى نفسى التي اتمني يوماً أن أراها في المكان الذي تريده .

~الفصل الاول ~ " عذاب الفراق "

والله يا صاحبي كان ليك وحشة "

" الواحد كان واحشه المشي معاك بجد، كنت كل يوم بليل بنزل أتمشي و أفتكرك "

"و اهو رجعتلنا من تاني يا صاحبي " ، قالها وهو يرتب على كتف صديق طفولته الذي غاب عنهم لمده سنتين ولم يراه سوى مره منذ ذلك الحين

"و أنت ناوى تعمل ايه دلوقتى ؟ "

" أول حاجه عايز اعملها اشوفها وأطمن عليها إنت مش متخيل هي وحشاني قد ايه الله لايجازيه اللي كان السبب و بعدين أروح اقعد مع ابوها اطلبها منه "

قالها بحماس و عين تلمع وكأنه فتي مراهق يعيش قصة حب لأول مرة ، نظر له صديقه نظرة اسي و حزن

" عامان و مازال يعيش علي ذكراها ، حبها ينمو بداخله كل يوم ، حبها ينمو بداخله كل يوم ، عامان ... ولم يَنسي ملامِحها ، كلامها ، عيناها "

تركه صديقه وذهب ، أما هو فظل يتجول في شوارع الحي الذي نشأ فيه ، الحي الذي قابلها به ، عندما انتقل إليه و سكن بجوارها حينما كان في السابعة من عمره ، ظل يتذكر ذكرايتهما سوياً حتى قرر العوده اللي منزله بعدما كان بصحبه والدته في بيت العائلة وها هو يسير لوجهته و التي يعلمها جيداً ، وهو شارع منزلها و منزله

> "حمزة عاش من شافك يابني ، عامل ايه ، جيت إمتي ؟ " قالها شيخ المسجد الذي رباه ورعاه من صغره حتى أصبح شاباً يثنى الجميع بأخلاقه

"شيخ لطفي ياراجل يا طيب ، واحشني ، انا لسه واصل النهاردة أهو وجيت عشان اشوفكم انت اللي ما بتسألش"

أخذه فى احضانه فهو حقا كان مشتاق له فهو يدين له بالكثير ، اخذا يتبادلا اطراف الحديث ، حتى لفت إنتباهه الأضواء المعلقة على المنازل فسأله: " أومال إيه النور اللى متعلق ده ؟!

" ده عقبال عندك شبكة رنيم بنت عمك احمد جاركوا ، قال جملته و ذهب وترك الأخر يعيش صدمه عمره ، عم الهدوء و الصمت و لم يكن هناك سوى صوت قلبه يُكسَر

> "أهذه الفتاه التي أحبها اهي التي وعدته بانتظاره اتلك الفتاه التي عاني سنوات لأجلها "

و ماذا عن فتى عاد من سفره لخطبة حبيبته ، ليجد أن اليوم خطبتها

لم يعرف كيف صعد لمنزله ، وكانت الصدمه حليفته طوال الليل ، مرت عليه الساعات بثقل لم يغمض له جفن طوال الليل إلا علي صوت أذان الفجر

"و كأن صوت الآذان يخبره أن الله معه " ، قام وتوضأ و نزل إلي المسجد " ملجأنا حين تضيق بنا الدنيا " ، قام بأداء فريضته وعاد إلي منزله أعد كوب من القهوه و جلس أمام منزليهما

يسترجع ذكرايتهما سوياً يأمل أن يراها ولو لمره يريد أن يعاتبها ، ظل جالس تمر عليه الساعات ، حتى أمطرت السماء " وكأن الله يقول له : إدعى و أشكو لي فإني مُجيب "

رفع صوته قائلا: يارب ، يعبر عن ما بداخله من ثِقل ، تزامناً مع خروجها من بيتها ، وكأن شيئاً بداخله كان متأكد أنها ستخرج ، فكانت عادتهما سوياً منذ الصغر الخروج تحت المطر .

أعذريني يوم زفافك مقدرتش أفرح زيهم ، مخطرش يوم في بالي إني ابقي واحد منهم "

قالها وهو مستند علي سيارته واضعاً يديه في جيب بنطاله ، يتصنع اللامبالاة و الجمود .

" مبروك "، قالها ببرود شديد و هي تناظره بصدمه عقلها لايستوعب أنه يقف أمامها بعد كل هذا الوقت فهي لم تراه منذ أن كان يودعها قبل سفره، اخذت تسترجع ذكريات هذا اليوم في لحظات معدوده تلاقت أعينهم، عيناها المليئه بالدموع و عيناه الحمراء من الغضب، ضرب علي سيارته و هو يصرخ بها بقهر: في إيه، ساكتة ليه، مش لاقية حاجه تقوليهالي، فين وعدك ليا يوم ما سافرت أنك هتستنيني "

" إنت اللي سافرت و سيبتني و مشيت ، عايز منى ايه بقى "

هكذا بررت لنفسها هي طوال هذه السنين تحاول إقناع نفسها أن هو الخاطئ وان هو من تركها

" وكان مين السبب في إني اسافر مش ابوكي اللي رافضني ، وقالي إنت مين عشان اجوزك بنتي ، مش هو اللي قالي مش هقبل إن بنتي تعيش في مستواك ده ، بس اهو فلوس و بدله و بيت و عربيه و بيزنيس " قالها و هو يشاور حوله " بس انا مكنتش عايز كل ده ، انا كنت عايزك إنتِ ، و أهو ضعتِي مني "

" خلاص الكلام ده معتش يفيد أنا بقيت مخطوبه لواحد تاني " ، ضحك بصدمه و هو يقول : "إنتِ متخيله إني كنت خلاص رجعت و جاى عشان اخطبك ألاقي النهارده خطوبتك، متخيله القهر اللي انا فيه "

" أنا اسفة " قالتها و هي تبكي

ضحك" أسفة ، أسفة على أيه ولا ايه ، أسفه على البهدله اللي انا اتبهدلتها أول سنه قعدت فيها هناك ، كنت بنام في الشارع و بتعامل اسوأ معامله ، اسفه إني قعدت سنتين كاملين مشوفتش فيهم أمي غير مرتين ، اسفه على وجع قلبها و هي مش عارفه إبنها عامل ايه ، اسفه إني قعدت في الغربة سنتين عشانك و بعدت عن كل حاجه عشانك ، أسفه في إن المرتين اللي جيتهم ابوكي منعني اشوفك فضلت بايت في الشارع بس على امل اني المحك ، وتيجي في الأخر تقوليلي أسفه "

" لاء انا اللي اسف بس إنتِ مكنتيش تستاهلي كل ده "

وقعت عليه الجمله بصدمه هي مصدومه من سماع كل هذا

كل هذا و المطر يشهد عذاب فراقهما دموعها اختلطت بقطرات الماء

استدار ليرحل لكن التف قائلا لها: اه كمان حاجة ، زي ما كان المطر و السما أول شاهد علي قصه حبنا ، هيبقي شاهد علي إنها انتهت من ناحيتي ، أظن أنها انتهت عندك من زمان .

قالها و رحل و هنا كُتبت نهايه قصه حب شهد عليها الكثير

~ الفصل الثاني ~ " ذكري "

" ليه ؟ ليه كل حاجه بحارب عشانها بتبقي في الاخر مش من نصيبي ، كنت بصبر نفسي كل يوم أن كل حاجه ماشيه كويس و اكتشف في الاخر أنها مش ليا "

كان يجلس بجانب صديقه يشكو له همه و يبكي فقد عانده القدر و سلب منه حبيبته "معلش حقك عليا انا ، هي ما تستاهلش "

صرخ في وجهه و قال بقهر: " بس انا حبيتها ، محبتش قدها ، انا محبتش غيرها "

صمت قليلا تنهد تنهيده ثقيله تعبر عما بداخله من حزن

" انا تعبت عشانها و عملت كل حاجه عشانها وعشان انول رضا ابوها وفي الاخر برده مبقتش من نصيبي " صمت قليلا و كان يطالعه صديقه الذي كان بجانبه يسانده في لحظه وجعه

" روح ، روح انا هنام و هبقي كويس ، متقلقش عليا "

ـ " لأء مش هسيبك لوحدك "

ـ " لاء امشى انا عايز اقعد لوحدى شويه "

ـ ماشى براحتك ، بس خلى بالك من نفسك ، عشان خاطر والدتك "

جلس هو فوق فراشه يحاول أن ينام لكن لا تغيب ذكراها عن خياله اخد يسترجع ذكرياتهما سوايا

في منتصف شهر ديسمبر تحت ضوء القمر المُكتمل و السماء تمطر ، هو جالس أمام منزلها ، يتابع المطر و بجانبه الراديو ينبع منه صوت أم كلثوم و أغنيتها التي تصف مشاعر هذا العشاق الواهان ، وهي في شرفة غرفتها تُتابع الأمطار و ذاك الجالس أمام منزلها .

رفع هو صوت الراديو معلناً بصوته العالي الغناء مع المطربة في مقطع " ياحبيب امبارح و حبيب دلوقتي"

وهي تناظره وتضحك علي مشاكسته لها وعلي مظهره المُبتل ، و هو ممسك بالراديو و يدور به تحت الشرفه .

رفع صوته و هو يعيد شعره المُبتل من علي عيناه " ولا حبيت يا حبيبي حياتي ، إلا عشانك "

ـ " حمزة ، شكرا على اللحظات و الجو الرومانسي ده ، بس ممكن تدخل عشان منتعبش "

قاطعت لحظاته طالبه منه برجاء الدخول لمنزله خوفا من أن يمرض بسبب الأمطار

تجاهل حديثها وكأنه لم يسمع لها و بدل الأغنية علي واحدة من أغاني الفنان رامي صبري تزامناً مع جملة "ده أنا خاصمت الشوارع اللي مشينا فيها" رفع صوته عالياً قائلا: كان نفسى والله يا فنان أخاصم الشوارع بس هو جارنا "

عَلَى صوت ضحكاتها فهو دائما ما يشاكسها بطريقه مُختلفة و مُحببة لها أطفأ الأغاني و حل الهدوء ، طبيعي فهو كان يسبب إذعاج للجميع ماعدا هي .

ـ" داخل اهو " قالها وهو يلملم أشيائه

- الفنانة فيروز كان عندها حق لما قالت احنا و القمر جيران ، شكلها كانت عايشه معايا ، تصبحي على خير"

كانت سيدخل لكن استوقفه صوتها وهي تناديه

" شكرا بجد على كل حاجة ، كنت هفضل مدايقة لو لاك "

- " لا شكر على واجب يا قمر ، بعدين مش شوية امتحانات اللي يدايقوكي ، خليكي مبسوطة و بتضحكي دايماً ، مفيش حاجه تستاهل أن ضحكتك دي تروح من وشك "

افاق من ذكرياته و اغمض جفونه يحاول النوم ، و ها قد نجحت عيناه في أخذه من هذا العالم

من المؤكد أنه لن ينساها

من المؤكد أنه لن ينساها

لكن السؤال هُنا ، هل سيتخطاها ؟ ...

يرحل كل شيء، وتتغير الأوقات والأماكن، ونفترق...

لكن تبقى الذكريات،

شاهدة على ما كان))

النهابة

تمت بحمد الله 🗸 نور حماده